

საარჩევნო დავების სახელმძღვანელო



საარჩევნო დავები

01


კენჭისყრის დღეს საუბნო საარჩევნო კომისიაში განცხადების/
საჩივრის შეტანისა და განხილვის შესასრულებელი პროცედურები 5

02

საოლქო საარჩევნო კომისიაში განცხადების/საჩივრის
განხილვისას შესასრულებელი პროცედურები 15

03

ცესკოში განცხადების/საჩივრის განხილვისას
შესასრულებელი პროცედურები 29



01

კენჭისყრის დღეს საუბნო
საარჩევნო კომისიაში
განცხადების/საჩივრის
შეტანისა და განხილვის
შესასრულებელი
პროცედურები

1. საარჩევნო უბნის გახსნიდან საარჩევნო ყუთის გახსნამდე წარსადგენი განცხადებები/საჩივრები	8
1.1 საარჩევნო უბნის გახსნიდან საარჩევნო ყუთის გახსნამდე განცხადებების/საჩივრის შემდგენი პირები და მათი უფლებები	8
1.2 საჩივრების რეგისტრაციის პროცესზე დაკვირვება	9
1.3 საუბნო საარჩევნო კომისიაში განცხადებების/საჩივრის რეგისტრაცია	9
1.4 ხარვეზის შევსების პროცედურები	10
1.5 რეაგირება განცხადებაზე/საჩივარზე	10
2. საარჩევნო ყუთის გახსნიდან კენჭისყრის შედეგების შემაჯამებელი ოქმის შედგენამდე წარსადგენი განცხადებები/საჩივრები	12
2.1 საარჩევნო ყუთის გახსნიდან კენჭისყრის შედეგების შემაჯამებელი ოქმის შედგენამდე განცხადებების/საჩივრის შემდგენი პირები და მათი უფლებები	12
2.2 განცხადებების/საჩივრის განხილვა	13
3. საუბნო საარჩევნო კომისიის კენჭისყრის შედეგების შემაჯამებელი ოქმის გასაჩივრება	14
3.1 საუბნო საარჩევნო კომისიის კენჭისყრის შედეგების შემაჯამებელი ოქმის გასაჩივრების პროცედურები	14

1. საარჩევნო უბნის გახსნიდან საარჩევნო ყუთის გახსნამდე წარსადგენი განცხადებები/საჩივრები

1.1 საარჩევნო უბნის გახსნიდან საარჩევნო ყუთის გახსნამდე განცხადების/ საჩივრის შემდგენი პირები და მათი უფლებები

საარჩევნო უბნის გახსნიდან (6 სთ და 45 წთ-დან) საარჩევნო ყუთის გახსნამდე, საუბნო საარჩევნო კომისიისა და მის ცალკეულ წევრთა მოქმედებებისა და გადაწყვეტილებათა (გარდა კენჭისყრის შედეგების შემატყობველი ოქმის შედგენის) გამო, საუბნო ან ზემდგომ საოლქო საარჩევნო კომისიაში:

- ▶ საარჩევნო სუბიექტის წარმომადგენელს/საარჩევნო სუბიექტის სხვა წარმომადგენელს;
- ▶ არჩევნების დამკვირვებლის სტატუსის მქონე ორგანიზაციის დამკვირვებელს/იმავე სადამკვირვებლო ორგანიზაციის სხვა დამკვირვებელს,

უფლება აქვთ:

- ▶ საუბნო საარჩევნო კომისიაში გაასაჩივრონ კენჭისყრის პროცედურების დარღვევები, რისთვისაც დარღვევის შემჩნევისთანავე უნდა შეადგინონ განცხადება /საჩივარი (განცხადების/საჩივრის შედგენის ფორმა **იხ. დანართი 1**) საარჩევნო კოდექსით დადგენილი მოთხოვნების დაცვით (**იხ. დანართი 2**);
- ▶ განცხადების/საჩივრის შედგენისთანავე, ჩააბარონ განცხადება/საჩივარი საუბნო საარჩევნო კომისიის თანამდებობის პირს (თავმჯდომარეს, თავმჯდომარის მოადგილეს ან მდივანს).

ყურადღება!

დანართი 1-ში აღნიშნული განცხადების/საჩივრის შედგენის ფორმა სარეკომენდაციო ხასიათისაა და მისი წარდგენა შეიძლება სხვა ფორმითაც, დანართი 2-ით განსაზღვრული რეკვიზიტების გათვალისწინებით.

-
- 1 განცხადება** – უფლების მოპოვებაზე ადმინისტრაციულ-სამართლებრივი აქტის გამოცემით დაინტერესებული მხარის მიერ დადგენილი წესით შეტანილი წერილობითი მოთხოვნა;
 - 2 საჩივარი** – დაინტერესებული მხარის მიერ შესაბამის საუბნო/საოლქო საარჩევნო კომისიაში დადგენილი წესით წარდგენილი წერილობითი მოთხოვნა დარღვეული უფლების აღდგენის მიზნით საუბნო/საოლქო საარჩევნო კომისიის მიერ გამოცემული ადმინისტრაციულ-სამართლებრივი აქტის ბათილად გამოცხადების, შეცვლის ან ახალი ადმინისტრაციულ-სამართლებრივი აქტის გამოცემის ან საუბნო/საოლქო საარჩევნო კომისიის მიერ ისეთი მოქმედების განხორციელების ან ისეთი მოქმედების განხორციელებისაგან თავის შეკავების შესახებ, რომელიც არ გულისხმობს ადმინისტრაციულ-სამართლებრივი აქტის გამოცემას.

1.2 საჩივრების რეგისტრაციის პროცესზე დაკვირვება

კენჭისყრის შენობაში ყოფნის უფლების მქონე პირებს უფლება აქვთ, დააკვირდნენ განცხადებების/საჩივრების რეგისტრაციის პროცესს.

თუ კენჭისყრის შენობაში ყოფნის უფლების მქონე პირმა დააფიქსირა (აღმოაჩინა) დარღვევა განცხადების/საჩივრის რეგისტრაციისას, ამ განცხადების/საჩივრის რეგისტრაციასთან დაკავშირებით გადაწყვეტილებას დადგენილი წესით იღებს საუბნო საარჩევნო კომისია.

თუ შესაბამისი თანამდებობის პირი არ იბარებს განცხადებას/საჩივარს ან/და კენჭისყრის შენობაში ყოფნის უფლების მქონე პირების მიერ განცხადების/საჩივრის რეგისტრაციისას დაფიქსირებული დარღვევა არ აღმოფხვრა კომისიამ, განმცხადებელს/მომჩივანს შეუძლია დაუკავშირდეს ცესკოს ცხელ ხაზს ნომერზე

032-251 00 51 ან შესაბამის საოლქო საარჩევნო კომისიას

1.3 საუბნო საარჩევნო კომისიაში განცხადების/საჩივრის რეგისტრაცია

საუბნო საარჩევნო კომისიაში შეტანილ განცხადებას/საჩივარს რეგისტრაციაში გაატარებს კომისიის მდივანი, შემდეგი წესის მიხედვით:

- ▶ კომისიის მდივანი სარეგისტრაციო ჟურნალში მიუთითებს განმცხადებლის/მომჩივნის ვინაობას;
- ▶ განცხადების/საჩივრის წარმდგენი და მიმღები პირები ხელს აწერენ ჩანაწერის გასწვრივ;
- ▶ კომისიის მდივანი ჩანაწერთა წიგნში რეგისტრაციაში ატარებს განცხადებას/საჩივარს;
- ▶ კომისიის მდივანი, განცხადების/საჩივრის მიღების დადასტურების მიზნით, განმცხადებელს/მომჩივანს გადასცემს წერილობით ცნობას საკუთარი ხელმოწერით. (იხ. დანართი 3);
- ▶ განცხადების/საჩივრის მიმღები პირი ვალდებულია დარწმუნდეს, რომ განცხადება/საჩივარი შეიცავს დანართი 2-ით გათვალისწინებულ ყველა საჭირო რეკვიზიტს.

თუ განცხადება/საჩივარი არ შეიცავს:

- ▶ განცხადების/საჩივრის შედგენის თარიღსა და დროს;
- ▶ განმცხადებლის/მომჩივნის სახელს, გვარს და რეგისტრაციის ადგილს;
- ▶ საარჩევნო უბნის ნომერს;
- ▶ მოწმის არსებობის შემთხვევაში – მის სახელს, გვარს და რეგისტრაციის ადგილს,

ასეთ შემთხვევაში, საარჩევნო კომისიაში განცხადების/საჩივრის მიმღები პირი (საუბნო საარჩევნო კომისიის მდივანი, თავმჯდომარე ან თავმჯდომარის მოადგილე) ვალდებულია,

განცხადების/საჩივრის წარმდგენს დაუდგინოს ხარვეზი და განუსაზღვროს გონივრული ვადა მის გამოსასწორებლად. ხარვეზის გამოსასწორებლად მიცემული ვადა უნდა იყოს გონივრული, რომ განმცხადებელმა/მომჩივანმა შეძლოს მითითებული ხარვეზის გამოსწორება.

ყურადღება!

ხარვეზის შევსების გონივრული ვადა დგინდება საუბნო საარჩევნო კომისიაში განცხადების/საჩივრის მიმღები პირისა და განცხადების/საჩივრის წარმდგენი პირის შეთანხმების საფუძველზე. ხარვეზის შევსების ვადის თაობაზე მხარეთა შეუთანხმებლობის შემთხვევაში, ვადას ერთპიროვნულად ადგენს საუბნო საარჩევნო კომისიაში განცხადების/საჩივრის მიმღები პირი.

1.4 ხარვეზის შევსების პროცედურები

სარეგისტრაციო ჟურნალში ხარვეზის ჩანაწერის გასწვრივ ხელს აწერენ განცხადების/საჩივრის წარმდგენი და მიმღები პირები.

- ▶ განცხადების/საჩივრის წარმდგენს დადგენილ ვადაში უფლება აქვს, გამოასწოროს ხარვეზი ანალოგიური განცხადების/საჩივრის წარმდგენის გზით, რომელშიც აღმოფხვრილი იქნება ხარვეზის დადგენის საფუძვლები ან/და წარადგინოს განცხადება, სადაც მიეთითება ის მონაცემები, რომელთა გამოც დაუდგინდა ხარვეზი.
- ▶ ხარვეზის შევსების შემთხვევაში, განცხადების/საჩივრის მიმღები პირი, სარეგისტრაციო ჟურნალში რეგისტრირებული განცხადების/საჩივრის გასწვრივ, აკეთებს ჩანაწერს „შევსებულია“, ხარვეზის შევსების ზუსტი დროისა და თარიღის მითითებით.
- ▶ ჩანაწერის გასწვრივ ხელს აწერს განცხადების/საჩივრის წარმდგენი და მიმღები პირები.

შენიშვნა: დადგენილ ვადაში ხარვეზის გამოუსწორებლობის შემთხვევაში განცხადება/საჩივარი არ განიხილება.

1.5 რეაგირება განცხადებაზე/საჩივარზე

წარდგენილი განცხადება/საჩივარი არ განიხილება, თუ:

- ▶ განცხადება/საჩივარი შედგენილია არაუფლებამოსილი პირის მიერ;
 - ▶ განცხადებაში/საჩივარში არ არის აღნიშნული დარღვევის არსი და მისი ჩადენის დრო;
 - ▶ დაირღვა განცხადების/საჩივრის შეტანის ვადა და წესი,
- ▶ საუბნო საარჩევნო კომისიის თავმჯდომარე ვალდებულია დაუყოვნებლივ მოახდინოს სათანადო რეაგირება განცხადებაზე/საჩივარზე და აღმოფხვრას³ არსებული დარღვევა.

3 აღმოფხვრა - შესწორება, გამოსწორება, მოგვარება, მოთხოვნის დაკმაყოფილება

-
- ▶ კომისიის თავმჯდომარე ან მდივანი ვალდებულია სარეგისტრაციო ჟურნალში და ჩანაწერთა წიგნში მოცემული საჩივრის გასწვრივ მიუთითოს, თუ როგორ აღმოიფხვრა/მოგვარდა/გადაწყდა აღნიშნული პრობლემა, ასევე, თუ რა შემთხვევაში ეთქვა უარი დაკმაყოფილებაზე, ან რა შემთხვევაში არ იქნა განხილული საჩივარი.
 - ▶ იმ შემთხვევაში, თუ განცხადებაში/საჩივარში მითითებულ დარღვევას აღმოფხვრის საუბნო საარჩევნო კომისიის თავმჯდომარე, აღნიშნულის თაობაზე კეთდება სათანადო ჩანაწერი “დარღვევა აღმოფხვრილია” და ზუსტი დროის მითითებით შეიტანება ჩანაწერთა წიგნში.
 - ▶ თუ კომისიის თავმჯდომარემ არ აღმოფხვრა დარღვევა ან სხვაგვარი ფორმით უარი განაცხადა განცხადებაზე/საჩივარზე რეაგირებაზე, განმცხადებელს/მომჩივანს უფლება აქვს, იმავე დარღვევაზე განცხადება/საჩივარი დაუყოვნებლივ წარუდგინოს საოლქო საარჩევნო კომისიას.

შენიშვნა: თუ განმცხადებელი/მომჩივანი არჩევნების დამკვირვებლის სტატუსის მქონე ორგანიზაციის დამკვირვებელია, ასეთ შემთხვევაში იმავე დარღვევაზე განცხადების/საჩივრის საოლქო საარჩევნო კომისიაში წარდგენის უფლება აქვს ამ სადამკვირვებლო ორგანიზაციის რეგისტრირებულ სხვა დამკვირვებელსაც, ხოლო თუ განმცხადებელი/მომჩივანი საარჩევნო სუბიექტის წარმომადგენელია საუბნო საარჩევნო კომისიაში, ასეთ შემთხვევაში - აგრეთვე ამ საარჩევნო სუბიექტის წარმომადგენელს შესაბამის საოლქო საარჩევნო კომისიაში.

2. საარჩევნო ყუთის გახსნიდან კენჭისყრის შედეგების შემაჯამებელი ოქმის შედგენამდე წარსადგენი განცხადებები/საჩივრები

2.1 საარჩევნო ყუთის გახსნიდან კენჭისყრის შედეგების შემაჯამებელი ოქმის შედგენამდე განცხადების/საჩივრის შემდგენი პირები და მათი უფლებები

საარჩევნო ყუთის გახსნიდან კენჭისყრის შედეგების შემაჯამებელი ოქმის შედგენამდე (გარდა კენჭისყრის შედეგების შემაჯამებელი ოქმის შედგენის), საუბნო საარჩევნო კომისიაში:

- ▶ საარჩევნო სუბიექტის წარმომადგენელს/საარჩევნო სუბიექტის სხვა წარმომადგენელს;
- ▶ არჩევნების დამკვირვებლის სტატუსის მქონე ორგანიზაციის დამკვირვებელს/იმავე სადამკვირვებლო ორგანიზაციის სხვა დამკვირვებელს,

უფლება აქვთ:

- ▶ გაასაჩივრონ ხმის დათვლისა და კენჭისყრის შედეგების შეჯამების პროცედურების დროს ჩადენილი დარღვევები და მოითხოვონ კენჭისყრის შედეგების გადასინჯვა ან ბათილად ცნობა.

თუ შესაბამისი თანამდებობის პირი არ იბარებს განცხადებას/საჩივარს ან ადგილი აქვს სხვა სახის დარღვევებს განცხადების/საჩივრის რეგისტრაციისას, განმცხადებელმა/მომჩივანმა უნდა იხელმძღვანელოს 1.2 პუნქტის შესაბამისად.

თუ შესაბამისი თანამდებობის პირი არ იბარებს განცხადებას/საჩივარს ან/და კენჭისყრის შენობაში ყოფნის უფლების მქონე პირების მიერ განცხადების/საჩივრის რეგისტრაციისას დაფიქსირებული დარღვევის აღმოფხვრა არ მოხდა კომისიის მიერ,

განმცხადებელს/მომჩივანს შეუძლია დაუკავშირდეს ცესკოს ცხელ ხაზს ნომერზე:

განცხადების/საჩივრის წარდგენის და ხარვეზის დადგენის შემთხვევაში, მხარეებმა უნდა იხელმძღვანელონ 1.3 და 1.5 პუნქტების შესაბამისად.

- ▶ 2.1 პუნქტის შესაბამისად წარდგენილ განცხადებას/საჩივარს საუბნო საარჩევნო კომისიის მდივანი რეგისტრაციაში გაატარებს ჩანაწერთა წიგნში.
- ▶ საუბნო საარჩევნო კომისია/საუბნო საარჩევნო კომისიის თავმჯდომარე ვალდებულია, დაუყოვნებლივ მოახდინოს სათანადო რეაგირება განცხადებაზე/საჩივარზე და აღმოფხვრას არსებული დარღვევა.

თუ საუბნო საარჩევნო კომისიამ/საუბნო საარჩევნო კომისიის თავმჯდომარემ არ აღმოფხვრა დარღვევა ან სხვაგვარი ფორმით უარი განაცხადა განცხადებაზე/საჩივარზე რეაგირებაზე, დამკვირვებელს/საარჩევნო სუბიექტის წარმომადგენელს ან იმავე სადამკვირვებლო ორგანიზაციის სხვა დამკვირვებელს/საარჩევნო სუბიექტის სხვა წარმომადგენელს უფლება აქვს, საუბნო საარჩევნო კომისიის/საუბნო საარჩევნო კომისიის თავმჯდომარის ქმედება 3 დღის ვადაში გაასაჩივროს შესაბამის საოლქო საარჩევნო კომისიაში.

- ▶ განცხადებას/საჩივარს საოლქო საარჩევნო კომისიაში მიღებისთანავე საოლქო საარჩევნო კომისიის მდივანი რეგისტრაციაში გაატარებს საოლქო საარჩევნო კომისიის სარეგისტრაციო ჟურნალში და განმცხადებელს/მომჩივანს გადასცემს წერილობით ცნობას/სამახსოვრო ბარათს საკუთარი ხელმოწერით. (იხ.დანართი 4).
- ▶ განცხადების/საჩივრის მიღებისას საოლქო საარჩევნო კომისიის მდივანი ვალდებულია დარწმუნდეს, რომ განცხადება/საჩივარი შევსებულია დანართი 2-ით გათვალისწინებული ყველა საჭირო რეკვიზიტით.

თუ განცხადება/საჩივარი არ შეიცავს დანართი 2-ით გათვალისწინებულ ყველა საჭირო რეკვიზიტს, საოლქო საარჩევნო კომისიის მდივანი ვალდებულია, განცხადების/საჩივრის წარმდგენს დაუდგინოს ხარვეზი და განუსაზღვროს გონივრული ვადა მის გამოსასწორებლად. ხარვეზის გამოსასწორებლად მიცემული ვადა უნდა იყოს გონივრული, რომ განმცხადებელმა/მომჩივანმა შეძლოს მითითებული ხარვეზის გამოსწორება, რის შემდეგადაც ხორციელდება 1.4 პუნქტით განსაზღვრული პროცედურები.

ყურადღება!

ხარვეზის შევსების გონივრული ვადა დგინდება საოლქო საარჩევნო კომისიის მდივნისა და განცხადების/საჩივრის წარმდგენი პირის შეთანხმების საფუძველზე. ხარვეზის შევსების ვადის თაობაზე მხარეთა შეთანხმებლობის შემთხვევაში, ვადას ერთპიროვნულად ადგენს საოლქო საარჩევნო კომისიის მდივანი.

შენიშვნა: დადგენილ ვადაში ხარვეზის გამოსწორებლობის შემთხვევაში, განცხადება/საჩივარი არ განიხილება, რის თაობაზედაც საოლქო საარჩევნო კომისიის თავმჯდომარე გამოსცემს განკარგულებას განცხადების/საჩივრის განუხილველად დატოვების თაობაზე.

2.2 განცხადების/საჩივრის განხილვა

- ▶ საოლქო საარჩევნო კომისია განცხადებას/საჩივარს განიხილავს და გადაწყვეტილებას იღებს საოლქო საარჩევნო კომისიაში განცხადების/საჩივრის რეგისტრაციიდან 4 კალენდარული დღის ვადაში. საოლქო საარჩევნო კომისია გადაწყვეტილებას იღებს განკარგულებით, რომელიც შეიძლება გასაჩივრდეს მხოლოდ სასამართლოში საარჩევნო კოდექსით დადგენილი წესით.

წარდგენილი განცხადება/საჩივარი საოლქო საარჩევნო კომისიის მიერ არ განიხილება, თუ დარღვეულია 1.5 პუნქტში აღნიშნული მოთხოვნები.

3. საუბნო საარჩევნო კომისიის კენჭისყრის შედეგების შემაჯამებელი ოქმის გასაჩივრება

3.1 საუბნო საარჩევნო კომისიის კენჭისყრის შედეგების შემაჯამებელი ოქმის გასაჩივრების პროცედურები

- ▶ საარჩევნო სუბიექტს (პარტიას, ამომრჩეველთა საინიციატივო ჯგუფს);
- ▶ საარჩევნო სუბიექტის წარმომადგენელს შესაბამის საოლქო საარჩევნო კომისიაში;
- ▶ არჩევნების დამკვირვებლის სტატუსის მქონე ორგანიზაციას

კენჭისყრის შედეგების შემაჯამებელი ოქმის შედგენიდან 3 კალენდარული დღის ვადაში, შეუძლიათ გაასაჩივრონ კენჭისყრის შედეგების შემაჯამებელი ოქმი, თუ დადგინდება, რომ საუბნო საარჩევნო კომისიის კენჭისყრის შედეგების შემაჯამებელი ოქმი შედგენილია **დანართი 5-ში** აღნიშნული საარჩევნო კანონმდებლობის მოთხოვნათა დარღვევით.

კენჭისყრის შედეგების შემაჯამებელი ოქმის გასაჩივრებასთან დაკავშირებული განცხადების/საჩივრის განხილვის პროცედურები აღწერილია ამავე სახელმძღვანელოს „საოლქო საარჩევნო კომისიაში განცხადების/საჩივრის განხილვისას შესასრულებელი პროცედურების“ ნაწილში.

წარდგენილი განცხადება/საჩივარი არ განიხილება, თუ:

- ▶ განცხადება/საჩივარი შედგენილია არაუფლებამოსილი პირის მიერ;
- ▶ განცხადებაში/საჩივარში არ არის აღნიშნული დარღვევის არსი და მისი ჩადენის დრო;
- ▶ დაირღვა განცხადების/საჩივრის შეტანის ვადა და წესი.

ასეთ შემთხვევაში, საოლქო საარჩევნო კომისია იღებს განკარგულებას განცხადების/საჩივრის განუხილველად დატოვების თაობაზე.



02

საოლქო საარჩევნო
კომისიაში განცხადების/
საჩივრის განხილვისას
შესასრულებელი
პროცედურები

1. განცხადებები/საჩივრები კენჭისყრისა და ხმის დათვლის პროცედურების დარღვევებზე	18
1.1 განცხადების/საჩივრის შეტანა საოლქო საარჩევნო კომისიაში	18
1.2 საოლქო საარჩევნო კომისიაში განცხადების/საჩივრის რეგისტრაცია	19
1.3 ხარვეზის შევსების პროცედურები	20
1.4 რეაგირება განცხადებაზე/საჩივარზე	21
1.5 მხარეების დაბარება განცხადების/საჩივრის განხილვაზე	21
1.6 განცხადების/საჩივრის განხილვა საოლქო საარჩევნო კომისიაში	22
2. განცხადებები/საჩივრები საარჩევნო კანონმდებლობის დარღვევებზე (გარდა კენჭისყრის დღისა)	24
2.1 საოლქო საარჩევნო კომისიაში განცხადების/საჩივრის რეგისტრაცია	24
2.2 რეაგირება განცხადებაზე/საჩივარზე	24
2.3 მხარეების დაბარება განცხადების/საჩივრის განხილვაზე	25
2.4 განცხადების/საჩივრის განხილვა საოლქო საარჩევნო კომისიაში	25
3. საოლქო საარჩევნო კომისიის გადანაცვების გასაჩივრება	25
4. ადმინისტრაციულ სამართალდარღვევათა ოქმი	26
5. საჩივრების რეესტრი	28

1. განცხადებები/საჩივრები კენჭისყრისა და ხმის დათვლის პროცედურების დარღვევებზე

1.1 განცხადების/საჩივრის შეტანა საოლქო საარჩევნო კომისიაში

საარჩევნო კოდექსით განსაზღვრულ სუბიექტებს უფლება აქვთ კენჭისყრისა და ხმის დათვლისა და კენჭისყრის შედეგების შეჯამების პროცედურების დროს ჩადენილი დარღვევების შესახებ განცხადებით/საჩივრით მიმართონ ზემდგომ საოლქო საარჩევნო კომისიას საქართველოს ორგანული კანონით „საქართველოს საარჩევნო კოდექსი“ დადგენილი წესით:

- ▶ საარჩევნო უბნის გახსნიდან (6 სთ და 45წთ) საარჩევნო ყუთის გახსნამდე, გაასაჩივრონ კენჭისყრის პროცედურების დარღვევები, რისთვისაც დარღვევის შემჩნევისთანავე უნდა შეადგინონ განცხადება/საჩივარი (განცხადების/საჩივრის შედგენის ფორმა იხ.დანართი 1) საარჩევნო კოდექსით დადგენილი მოთხოვნების დაცვით **(იხ. დანართი 2)**;
- ▶ საარჩევნო ყუთის გახსნიდან კენჭისყრის შედეგების შემაჯამებელი ოქმის შედგენამდე (გარდა კენჭისყრის შედეგების შემაჯამებელი ოქმის შედგენის), გაასაჩივრონ ხმის დათვლისა და კენჭისყრის შედეგების შეჯამების პროცედურების დროს ჩადენილი დარღვევები და მოითხოვონ კენჭისყრის შედეგების გადასინჯვა ან ბათილად ცნობა.

ყურადღება!

დანართი 1-ში აღნიშნული განცხადების/საჩივრის შედგენის ფორმა სარეკომენდაციო ხასიათისაა და მისი წარდგენა შეიძლება სხვა ფორმითაც, დანართი 2-ით განსაზღვრული რეკვიზიტების გათვალისწინებით.

საოლქო საარჩევნო კომისიაში საჩივრის შეტანა დასაშვებია როგორც მატერიალური, ისე ელექტრონული ფორმით. საჩივრის ელექტრონული ფორმით შეტანის წესი განსაზღვრულია ცესკოს განკარგულებით⁴.

ყურადღება!

უფლებამოსილი პირები თავად წყვეტენ გამოიყენებენ თუ არა საარჩევნო კომისიაში საჩივრის ელექტრონული ფორმით შეტანის სისტემას.

საოლქო საარჩევნო კომისიაში საჩივრის ელექტრონული ფორმით შეტანა დასაშვებია სამუშაო დღის 18 საათამდე, გარდა საარჩევნო კოდექსით გათვალისწინებული შემთხვევებისა.

4 საქართველოს ცენტრალური საარჩევნო კომისიის 2021 წლის 29 ივლისის №94/2021 განკარგულება.

კენჭისყრის პროცედურის დარღვევის შესახებ განცხადება/საჩივარი წარედგინება საუბნო საარჩევნო კომისიას. საუბნო საარჩევნო კომისიის თავმჯდომარე ვალდებულია დაუყოვნებლივ მოახდინოს სათანადო რეაგირება განცხადებაზე/საჩივარზე და აღმოფხვრას არსებული დარღვევა. თუ საუბნო საარჩევნო კომისიის თავმჯდომარემ არ აღმოფხვრა დარღვევა ან სხვაგვარი ფორმით უარი განაცხადა განცხადებაზე/საჩივარზე რეაგირებაზე, დამკვირვებელს/საარჩევნო სუბიექტის წარმომადგენელს ან იმავე სადამკვირვებლო ორგანიზაციის სხვა დამკვირვებელს/საარჩევნო სუბიექტის სხვა წარმომადგენელს უფლება აქვს, აღნიშნული დარღვევა დაუყოვნებლივ გაასაჩივროს შესაბამის საოლქო საარჩევნო კომისიაში.

საოლქო საარჩევნო კომისია ვალდებულია დაუყოვნებლივ მოახდინოს სათანადო რეაგირება განცხადებაზე/საჩივარზე და აღმოფხვრას არსებული დარღვევა.

განცხადება/საჩივარი ხმის დათვლისა და კენჭისყრის შედეგების შეჯამების პროცედურების დროს ჩადენილი დარღვევების შესახებ და კენჭისყრის შედეგების გადასინჯვის ან ბათილად ცნობის მოთხოვნით წარედგინება საუბნო საარჩევნო კომისიას. საუბნო საარჩევნო კომისია/საუბნო საარჩევნო კომისიის თავმჯდომარე ვალდებულია დაუყოვნებლივ მოახდინოს სათანადო რეაგირება განცხადებაზე/საჩივარზე და აღმოფხვრას არსებული დარღვევა. თუ საუბნო საარჩევნო კომისიამ / საუბნო საარჩევნო კომისიის თავმჯდომარემ არ აღმოფხვრა დარღვევა ან სხვაგვარი ფორმით უარი განაცხადა განცხადებაზე/საჩივარზე რეაგირებაზე, დამკვირვებელს/საარჩევნო სუბიექტის წარმომადგენელს ან იმავე სადამკვირვებლო ორგანიზაციის სხვა დამკვირვებელს/საარჩევნო სუბიექტის სხვა წარმომადგენელს უფლება აქვს, საუბნო საარჩევნო კომისიის/საუბნო საარჩევნო კომისიის თავმჯდომარის ქმედება 3 დღის ვადაში გაასაჩივროს შესაბამის საოლქო საარჩევნო კომისიაში. საოლქო საარჩევნო კომისია განცხადებას/საჩივარს განიხილავს მიღებიდან 4 დღის ვადაში.

საუბნო საარჩევნო კომისიის კენჭისყრის შედეგების შემაჯამებელი ოქმი და საარჩევნო უბნის კენჭისყრის შედეგები საჩივრდება საარჩევნო კოდექსის 77-ე მუხლის მე-2 პუნქტით დადგენილი წესით.

საუბნო საარჩევნო კომისიის კენჭისყრის შედეგების შემაჯამებელი ოქმი შედგენიდან 3 კალენდარული დღის ვადაში საჩივრდება ზემდგომ საოლქო საარჩევნო კომისიაში, თუ საუბნო საარჩევნო კომისიის კენჭისყრის შედეგების შემაჯამებელი ოქმი შედგენილია დანართ 5-ში აღნიშნული საარჩევნო კანონმდებლობის მოთხოვნათა დარღვევით.

1.2 საოლქო საარჩევნო კომისიაში განცხადების/საჩივრის რეგისტრაცია

საოლქო საარჩევნო კომისიაში შეტანილ განცხადებას/საჩივარს რეგისტრაციაში გაატარებს კომისიის მდივანი, შემდეგი წესის მიხედვით:

- ▶ კომისიის მდივანი სარეგისტრაციო ჟურნალში მიუთითებს განმცხადებლის/მომჩივნის ვინაობას;
- ▶ განცხადების/საჩივრის წარმდგენი და მიმღები პირები ხელს აწერენ ჩანაწერის გასწვრივ;

- კომისიის მდივანი, განცხადების/საჩივრის მიღების დადასტურების მიზნით, განმცხადებელს/მომჩივანს გადასცემს წერილობით ცნობას/სამახსოვრო ბარათს საკუთარი ხელმოწერით. **(იხ. დანართი 4);**
- კომისიის მდივანი ვალდებულია დარწმუნდეს, რომ განცხადება/საჩივარი შეიცავს **დანართი 2-ით** გათვალისწინებულ ყველა საჭირო რეკვიზიტს.

თუ საოლქო საარჩევნო კომისიის მდივანი არ იბარებს განცხადებას/საჩივარს, განმცხადებელს/მომჩივანს შეუძლია დაუკავშირდეს ცესკოს ცხელ ხაზს ნომერზე: 032-251 00 51

თუ განცხადება/საჩივარი არ შეიცავს:

- ▶ განცხადების/საჩივრის შედგენის თარიღსა და დროს;
- ▶ განმცხადებლის/მომჩივნის სახელს, გვარს და რეგისტრაციის ადგილს;
- ▶ საარჩევნო უბნის ნომერს;
- ▶ მოწმის არსებობის შემთხვევაში – მის სახელს, გვარს და რეგისტრაციის ადგილს,

ასეთ შემთხვევაში, საოლქო საარჩევნო კომისიის მდივანი ვალდებულია, განცხადების/საჩივრის წარმდგენს დაუდგინოს ხარვეზი და განუსაზღვროს გონივრული ვადა მის გამოსასწორებლად, ხარვეზის გამოსასწორებლად მიცემული ვადა უნდა იყოს გონივრული, რომ განმცხადებელმა/მომჩივანმა შეძლოს მითითებული ხარვეზის გამოსწორება.

შენიშვნა: ხარვეზის შევსების გონივრული ვადა დგინდება საოლქო საარჩევნო კომისიის მდივნისა და განცხადების/საჩივრის წარმდგენი პირის შეთანხმების საფუძველზე. ხარვეზის შევსების ვადის თაობაზე მხარეთა შეთანხმებლობის შემთხვევაში, ვადას ერთპიროვნულად ადგენს საოლქო საარჩევნო კომისიის მდივანი.

ყურადღება! ხარვეზის დადგენა არ ხდება საუბნო საარჩევნო კომისიის კენჭისყრის შედეგების შემაჯამებელი ოქმის გასაჩივრების შემთხვევაში.

1.3 ხარვეზის შევსების პროცედურები

სარეგისტრაციო ჟურნალში ხარვეზის ჩანაწერის გასწვრივ ხელს აწერენ განცხადების/საჩივრის წარმდგენი და საოლქო საარჩევნო კომისიის მდივანი.

- ▶ განცხადების/საჩივრის წარმდგენს დადგენილ ვადაში უფლება აქვს, გამოასწოროს ხარვეზი ანალოგიური განცხადების/საჩივრის წარმდგენის გზით, რომელშიც აღმოფხვრილი იქნება ხარვეზის დადგენის საფუძვლები ან/და წარადგინოს განცხადება, სადაც მიეთითება ის მონაცემები, რომელთა გამოც დაუდგინდათ ხარვეზი.
- ▶ ხარვეზის შევსების შემთხვევაში, საოლქო საარჩევნო კომისიის მდივანი, სარეგისტრაციო ჟურნალში რეგისტრირებული განცხადების/საჩივრის გასწვრივ აკეთებს ჩანაწერს, „შევსებულია“, ხარვეზის შევსების ზუსტი დროისა და თარიღის მითითებით.
- ▶ ჩანაწერის გასწვრივ ხელს აწერს განცხადების/საჩივრის წარმდგენი და საოლქო საარჩევნო კომისიის მდივანი.

შენიშვნა: დადგენილ ვადაში ხარვეზის გამოუსწორებლობის შემთხვევაში განცხადება/საჩივარი არ განიხილება, რის თაობაზედაც საოლქო საარჩევნო კომისიის თავმჯდომარე გამოსცემს განკარგულებას განცხადების/საჩივრის განუხილველად დატოვების თაობაზე.

1.4 რეაგირება განცხადებაზე/საჩივარზე

წარდგენილი განცხადება/საჩივარი არ განიხილება, თუ:

- ▶ განცხადება/საჩივარი შედგენილია არაუფლებამოსილი პირის მიერ;
- ▶ განცხადება/საჩივარში არ არის აღნიშნული დარღვევის არსი და მისი ჩადენის დრო;
- ▶ დარღვეულია განცხადების/საჩივრის შეტანის ვადა და წესი.

ასეთ შემთხვევაში, საოლქო საარჩევნო კომისია გამოსცემს განკარგულებას განცხადების/საჩივრის განუხილველად დატოვების შესახებ.

საოლქო საარჩევნო კომისია ვალდებულია, დაუყოვნებლივ მოახდინოს სათანადო რეაგირება განცხადებაზე/საჩივარზე და აღმოფხვრას⁵ არსებული დარღვევა.

1.5 მხარეების დაბარება განცხადების/საჩივრის განხილვაზე

განცხადების/საჩივრის განხილვისათვის მხარეები შეიძლება დაბარებულ იქნენ როგორც წერილობით, ისე ტელეფონით (მათ შორის, მობილური ტელეფონით; მოკლე ტექსტური შეტყობინებით), ელექტრონული ფოსტით, ფაქსით ან სხვა ტექნიკური საშუალებებით. საოლქო საარჩევნო კომისია ვალდებულია, მხარეს საქმის განხილვის დრო და ადგილი შეატყობინოს საქმის განხილვის დაწყებამდე არა უგვიანეს 3 საათისა.

თუ საჩივრის ავტორია:

- ▶ საარჩევნო კომისიაში რეგისტრირებული დამკვირვებელი ორგანიზაცია ან მისი წარმომადგენელი, საჩივრის განხილვის დროისა და ადგილის შესახებ ეცნობება ამ ორგანიზაციის საარჩევნო კომისიაში რეგისტრირებულ შესაბამის დამკვირვებელს ან ამ ორგანიზაციას;
- ▶ საარჩევნო სუბიექტი ან მისი დანიშნული წარმომადგენელი, საჩივრის განხილვის დროისა და ადგილის შესახებ ეცნობება ამ სუბიექტის მიერ დანიშნულ წარმომადგენელს;
- ▶ საარჩევნო კომისიის წევრი, საჩივრის განხილვის შესახებ პირადად მას უნდა ეცნობოს.

ტექნიკური საშუალებებით მხარის დაბარება დასტურდება:

- ▶ მის მიერ მითითებულ საკონტაქტო ტელეფონის ნომერზე დაკავშირებით;
- ▶ ელექტრონული ფოსტის, ფაქსის ან მოკლე ტექსტური შეტყობინების შემთხვევაში – შესაბამისი ტექნიკური საშუალებით მოწოდებული დადასტურებით.

შენიშვნა: მხარე ასევე დაბარებულად ჩაითვლება, თუ შეუძლებელია მასთან საჩივარში მითითებული ტექნიკური საშუალებებით დაკავშირება (მობილური ტელეფონის, ფაქსის, კომპიუტერის გამორთულ მდგომარეობაში ყოფნის გამო და სხვა).

5 აღმოფხვრა - შესწორება, გამოსწორება, მოგვარება, მოთხოვნის დაკმაყოფილება

ტექნიკური საშუალებებით მხარის დაბარებისას დგება აქტი, რომელიც უნდა დაერთოს კომისიის სხდომაზე წარმოდგენილ საჩივარს. **(იხ. დანართი 6)**

საოლქო საარჩევნო კომისიაში აქტს, კომისიის თავმჯდომარის დავალებით, ადგენს კომისიის ერთ-ერთი წევრი და მას ხელს აწერენ აქტის შემდგენი და საოლქო საარჩევნო კომისიის თავმჯდომარე.

მხარის გამოუცხადებლობა არ ქმნის საჩივრის განხილვის გადადების საფუძველს.

1.6 განცხადების/საჩივრის განხილვა საოლქო საარჩევნო კომისიაში

განცხადების/საჩივრის განხილვის შესახებ გადაწყვეტილება მიიღება მხარეთა მიერ წარმოდგენილი მტკიცებულებებისა და საკუთარი ინიციატივით საქართველოს საარჩევნო ადმინისტრაციის მიერ მოპოვებული მასალების სათანადო გამოკვლევისა და შესწავლის შემდეგ.

მხარეს უფლება აქვს, საქართველოს საარჩევნო კანონმდებლობით დადგენილი წესით, მიიღოს მონაწილეობა საჩივრის განხილვაში.

მხარეს უფლება აქვს, საარჩევნო კომისიასთან აწარმოოს ურთიერთობა:

- ▶ წარმომადგენლის მეშვეობით;
- ▶ ისარგებლოს ადვოკატის დახმარებით.

ყურადღება!

საჩივრის განხილვისას საარჩევნო კომისიაში მხარის წარმომადგენელი არ შეიძლება იყოს პირი, რომელიც არჩევნების დანიშვნიდან იყო/არის საარჩევნო სუბიექტი, გარდა პოლიტიკური პარტიის ხელმძღვანელობაზე/წარმომადგენლობაზე უფლებამოსილი პირისა.

წარმომადგენელი ვალდებულია, საარჩევნო კომისიაში წარადგინოს კანონით დადგენილი წესით დამოწმებული წარმომადგენლობის დამადასტურებელი საბუთი:

- ▶ მოქალაქეების წარმომადგენლობა დასტურდება მათ მიერ გაცემული წარმომადგენლობის დამადასტურებელი დოკუმენტით;
- ▶ ამომრჩეველთა საინიციატივო ჯგუფის წარმომადგენლობა დასტურდება წარმომადგენლობის დამადასტურებელი შესაბამისი დოკუმენტით;
- ▶ ორგანიზაციების (პარტია, დამკვირვებელი ორგანიზაცია) წარმომადგენლობა დასტურდება მათი ხელმძღვანელი პირის მიერ გაცემული მინდობილობით;
- ▶ ადვოკატის წარმომადგენლობა დასტურდება მარწმუნებლის მიერ დადგენილი წესით მასზე გაცემული დოკუმენტით (მინდობილობით/ორდერით).

ყურადღება!

თუ წარმომადგენელი არ წარადგენს შესაბამისი წესით დამოწმებულ წარმომადგენლობის დამადასტურებელ საბუთს, მას არ მიეცემა განცხადების/საჩივრის განხილვაში მონაწილეობის უფლება და გადაწყვეტილება მიიღება მისი პოზიციის გაუთვალისწინებლად.

გასაჩივრების უფლების მქონე პარტიის/დამკვირვებელი ორგანიზაციის მინდობილ პირს, რომელიც რეგისტრირებულია მინდობილ პირთა ელექტრონულ რეესტრში, წარმომადგენლობის დამადასტურებელი დოკუმენტაციის წარდგენა არ მოეთხოვება.

ხმის დათვლისა და კენჭისყრის შედეგების შეჯამებასთან დაკავშირებულ განცხადებას/საჩივარს საოლქო საარჩევნო კომისია განიხილავს და გადაწყვეტილებას იღებს საოლქო საარჩევნო კომისიაში განცხადების/საჩივრის რეგისტრაციიდან 4 კალენდარული დღის ვადაში. საოლქო საარჩევნო კომისია გადაწყვეტილებას იღებს განკარგულებით, რომელიც შეიძლება გასაჩივრდეს მხოლოდ სასამართლოში საარჩევნო კოდექსით დადგენილი წესით.

საოლქო საარჩევნო კომისია საუბნო საარჩევნო კომისიის/კომისიის ხელმძღვანელი პირების გადაწყვეტილებების გამო შეტანილ საჩივარს იხილავს 4 კალენდარული დღის ვადაში.

წარდგენილი განცხადება/საჩივარი საოლქო საარჩევნო კომისიის მიერ არ განიხილება, თუ დარღვეულია 1.4 პუნქტში აღნიშნული მოთხოვნები.

2. განცხადებები/საჩივრები საარჩევნო კანონმდებლობის დარღვევაზე (გარდა კენჭისყრის დღისა)

საუბნო საარჩევნო კომისიის/კომისიის ხელმძღვანელი პირების გადაწყვეტილებები მათი მიღებიდან 3 კალენდარული დღის ვადაში შეიძლება გასაჩივრდეს შესაბამის საოლქო საარჩევნო კომისიაში.

2.1 საოლქო საარჩევნო კომისიაში განცხადების/საჩივრის რეგისტრაცია

საოლქო საარჩევნო კომისიაში შეტანილ განცხადებას/საჩივარს რეგისტრაციაში გაატარებს კომისიის მდივანი, შემდეგი წესის მიხედვით:

- ▶ ნის ვინაობას;
- ▶ განცხადების/საჩივრის წარმდგენი და მიმღები პირები ხელს აწერენ ჩანაწერის გასწვრივ;
- ▶ კომისიის მდივანი, განცხადების/საჩივრის მიღების დადასტურების მიზნით, განმცხადებელს/მომჩივანს გადასცემს წერილობით ცნობას/სამახსოვრო ბარათს საკუთარი ხელმოწერით. **(იხ.დანართი 4);**

ყურადღება!

მხარეები ვალდებული არიან განცხადებაში/საჩივარში, გარდა კანონმდებლობით დადგენილი მოთხოვნებისა, გარკვევით მიუთითონ განცხადების/საჩივრის ავტორის საკონტაქტო (საცხ. ადგილისა და მობილურის) ტელეფონის ნომრები, ასევე დამატებით მითითებული უნდა იქნეს განცხადების/საჩივრის ავტორის ფაქსისა და ელექტრონული ფოსტის მისამართი (ასეთის არსებობის შემთხვევაში).

თუ საოლქო საარჩევნო კომისიის მდივანი არ იბარებს განცხადებას/საჩივარს განმცხადებელს/მომჩივანს შეუძლია დაუკავშირდეს ცესკოს ცხელ ხაზს ნომერზე: 032-251 00 51

2.2 რეაგირება განცხადებაზე/საჩივარზე

წარდგენილი განცხადება/საჩივარი არ განიხილება, თუ:

- ▶ განცხადება/საჩივარი შედგენილია არაუფლებამოსილი პირის მიერ;
- ▶ განცხადება/საჩივარი წარდგენილია კანონით მოთხოვნილი ვადებისა და წესის დარღვევით.

ასეთ შემთხვევაში, საოლქო საარჩევნო კომისია გამოსცემს განკარგულებას განცხადების/საჩივრის განუხილველად დატოვების შესახებ.

ყურადღება!

საოლქო საარჩევნო კომისიაში არ ხდება საარჩევნო კანონმდებლობის დარღვევების გამო (გარდა კენჭისყრის დღისა) წარდგენილ განცხადებაზე/საჩივარზე ხარვეზის დადგენა. შესაბამისი საფუძვლების არსებობისას განცხადება/საჩივარი ხარვეზის დაუდგენლად რჩება განუხილველი.

2.3 მხარეების დაბარება განცხადების/საჩივრის განხილვაზე

საჩივრის განხილვაზე მხარეების დაბარება ხდება 1.5 პუნქტით გათვალისწინებული წესის შესაბამისად.

2.4 განცხადების/საჩივრის განხილვა საოლქო საარჩევნო კომისიაში

განცხადების/საჩივრის განხილვა ხდება 1.6 პუნქტით გათვალისწინებული წესის შესაბამისად.

3. საოლქო საარჩევნო კომისიის გადანყვეტილების გასაჩივრება

3.1 საოლქო საარჩევნო კომისიის/კომისიის ხელმძღვანელი პირების გადანყვეტილებები საუბნო საარჩევნო კომისიის/კომისიის ხელმძღვანელი პირების გადანყვეტილებების გამო, მათ შორის:

- ა) კენჭისყრის დღის პროცედურებთან;
- ბ) შემაჯამებელი ოქმის შედგენასთან დაკავშირებით,

2 კალენდარული დღის ვადაში შეიძლება გასაჩივრდეს შესაბამის რაიონულ/საქალაქო სასამართლოში.

3.2 საოლქო საარჩევნო კომისიის/კომისიის ხელმძღვანელ პირთა გადანყვეტილებები (მათ შორის საარჩევნო უბნების შექმნის გამო), გარდა 3.1 პუნქტში მითითებული გადანყვეტილებებისა, შეიძლება მისი მიღებიდან 2 კალენდარული დღის ვადაში გასაჩივრდეს ცესკოში.

ყურადღება!

საოლქო საარჩევნო კომისიის გადანყვეტილება 2 კალენდარული დღის ვადაში საჩივრდება შესაბამის რაიონულ/საქალაქო სასამართლოში შემდეგ გამონაკლის შემთხვევებში:

- ▶ საოლქო საარჩევნო კომისიის განკარგულება ამომრჩეველთა მონაცემებში/სიებში ცვლილების შეტანაზე უარის თქმის შესახებ;
- ▶ საოლქო საარჩევნო კომისიის განკარგულება დამკვირვებელი ორგანიზაციის რეგისტრაციაზე უარის თქმის შესახებ.

4. ადმინისტრაციულ სამართალდარღვევათა ოქმი

პირს, რომლის კანონიერ ინტერესზე პირდაპირ და უშუალო გავლენას ახდენს შესაბამისი სამართალდარღვევა, უფლება აქვს მიმართოს საოლქო საარჩევნო კომისიას განცხადებით/საჩივრით საქართველოს ორგანული კანონის „საქართველოს საარჩევნო კოდექსი“ 79-ე მუხლის პირველი პუნქტის, 81-ე, 86-ე-92-ე მუხლებითა და „საქართველოს ადმინისტრაციულ სამართალდარღვევათა კოდექსის“ 1742 მუხლით გათვალისწინებულ ადმინისტრაციულ სამართალდარღვევათა შესახებ.

საოლქო საარჩევნო კომისიაში ადმინისტრაციულ სამართალდარღვევათა ოქმს (ოქმის ფორმა **იხ. დანართი 7**) ადგენს შესაბამისი საოლქო საარჩევნო კომისიის მიერ უფლებამოსილი პირი (საოლქო საარჩევნო კომისიის თავმჯდომარე/თავმჯდომარის მოადგილე).

ადმინისტრაციულ სამართალდარღვევათა ოქმის შედგენის თაობაზე წარდგენილ განცხადებას/საჩივარს ზეპირი მოსმენით ერთპიროვნულად იხილავს საოლქო საარჩევნო კომისიის მიერ ოქმის შედგენაზე უფლებამოსილი პირი, დაინტერესებული მხარეების მონაწილეობით, რის თაობაზეც დგება ზეპირი მოსმენის ოქმი. მოსმენის შედეგად ოქმის შედგენაზე უფლებამოსილი პირი იღებს გადაწყვეტილებას:

- ▶ განცხადების/საჩივრის დაკმაყოფილებისა და ადმინისტრაციული სამართალდარღვევის ოქმის შედგენის თაობაზე;
- ▶ განცხადების/საჩივრის დაკმაყოფილებაზე უარის თქმის - ადმინისტრაციული სამართალდარღვევის ოქმის შედგენაზე უარის თქმის თაობაზე.

ყურადღება!

ადმინისტრაციულ სამართალდარღვევათა საქმის განხილვისას ადმინისტრაციულ პასუხისმგებებაში მიცემული პირის დასწრება სავალდებულოა. თუ ეს პირი თავს არიდებს გამოცხადებას, იგი შეიძლება იძულებით იქნეს მოყვანილი შინაგან საქმეთა ორგანოს მიერ.

ადმინისტრაციულ სამართალდარღვევათა ოქმი ივსება ორ ეგზემპლარად, რომელთაგან პირველი ეგზემპლარი (დედანი) რჩება ადმინისტრაციულ სამართალდარღვევათა ოქმის შედგენაზე უფლებამოსილ პირს, ხოლო მეორე (დამოწმებული ასლი) გადაეცემა სამართალდამრღვევს.

ყურადღება!

ადმინისტრაციული სამართალდარღვევის ოქმი და მასზე თანდართული მასალები, ოქმის შედგენისთანავე დაუყოვნებლივ განსახილველად იგზავნება შესაბამის რაიონულ/საქალაქო სასამართლოში.

სასამართლო საქართველოს ადმინისტრაციულ სამართალდარღვევათა კოდექსის 1742 მუხლით გათვალისწინებული ადმინისტრაციული სამართალდარღვევის შესახებ ოქმს იხილავს 3 დღის ვადაში (საქართველოს ადმინისტრაციულ სამართალდარღვევათა კოდექსის 262-ე მუხლის მე-2 ნაწილი). საქართველოს ორგანული კანონის „საქართველოს საარჩევნო კოდექსი“ 79-ე მუხლის პირველი პუნქტით, 81-ე და 86-ე-92-ე მუხლებით გათვალისწინებული ადმინისტრაციული სამართალდარღვევის ფაქტის დადგენის/გადაწყვეტილების მიღების ვადა არ უნდა აღემატებოდეს სასამართლოსათვის შესაბამისი ოქმის წარდგენიდან 10 დღეს. ადმინისტრაციული სამართალდარღვევის საქმეზე სასამართლოს დადგენილება მისი მიღებიდან 10 დღის ვადაში სააპელაციო სასამართლოს ადმინისტრაციულ საქმეთა პალატაში, შეიძლება გაასაჩივროს პირმა, რომლის მიმართაც არის გამოტანილი დადგენილება, ასევე დაზარალებულმა ან ადმინისტრაციული სამართალდარღვევის ოქმის შემდგენმა.

ყურადღება!

ოქმის შედგენაზე უფლებამოსილი პირის გადაწყვეტილება ადმინისტრაციულ სამართალდარღვევათა ოქმის შედგენის შესახებ განცხადების/საჩივრის დაკმაყოფილებაზე უარის თქმის თაობაზე წერილობით (ამ შემთხვევაში არ გამოიცემა განკარგულება) ეცნობება განმცხადებელს/მომჩივანს. საარჩევნო კომისიაში ოქმის შედგენაზე უფლებამოსილი პირის აღნიშნული გადაწყვეტილება 2 კალენდარული დღის ვადაში საჩივრდება სასამართლოში, რომელიც საჩივარს იხილავს მისი მიღებიდან 10 კალენდარული დღის ვადაში. სასამართლოსაქმისგანხილვისშედეგადიღებსდადგენილებასადმინისტრაციული სახდელის შეფარდების თაობაზე ან უარს ამბობს საჩივრის დაკმაყოფილებაზე.

5. საჩივრების რეესტრი

საქართველოს ცენტრალური საარჩევნო კომისიის ვებ-გვერდზე არსებულ საჩივრების რეესტრში (<http://sachivrebi.cec.gov.ge/>) ამომრჩევლებისთვის და ყველა დაინტერესებული პირისა თუ ორგანიზაციისთვის საჩივრებისა და მასთან დაკავშირებული ინფორმაციის დროულად მიწოდების მიზნით საარჩევნო პერიოდში თავსდება:

საოლქო საარჩევნო კომისიებში შესული საჩივრები და მათთან დაკავშირებული ინფორმაცია; კერძოდ: რეგისტრაციის ნომერი, შემოტანის თარიღი, შემომტანი, საჩივარი/განცხადება, განხილვისადგილი და თარიღი, გადაწყვეტილება, საჩივრის/განცხადების და გადაწყვეტილების დასკანირებული ვერსია.

საოლქო საარჩევნო კომისია აღნიშნულ ინფორმაციას რეესტრში განთავსების მიზნით, საოლქო საარჩევნო კომისიის მიერ გადაწყვეტილების მიღებიდან 1 დღის ვადაში, აწვდის ცესკოს აპარატის საარჩევნო პროცესების მართვის დეპარტამენტსა და იურიდიული დეპარტამენტის სამართლებრივი უზრუნველყოფის განყოფილებას, რომელიც უზრუნველყოფს მის განთავსებას რეესტრში შესაბამისი ინფორმაციის მიღებიდან არა უგვიანეს ერთი დღისა.

რეესტრში განთავსებული ინფორმაცია საჯარო და უსასყიდლოა.

რეესტრში განთავსებული ინფორმაციის გამოყენება თავისუფალია. დაინტერესებულ პირებს უფლება აქვთ გამოიყენონ რეესტრში განთავსებული ინფორმაცია ვებ-მისამართის სავალდებულო მითითებით.



03

ცესკოში განცხადების/
საჩივრის განხილვისას
შესასრულებელი
პროცედურები

1. განცხადებები/საჩივრები საარჩევნო კანონმდებლობის დარღვევებზე	32
1.1 ცესკოში განცხადების/საჩივრის შეტანა	32
1.2 ცესკოში განცხადების/საჩივრის რეგისტრაცია	32
1.3 რეაგირება განცხადებაზე/საჩივარზე	33
1.4 მხარეების დაბარება განცხადების/საჩივრის განხილვაზე	33
1.5 ცესკოში განცხადების/საჩივრის განხილვა	34
2. ცესკოს გადაწყვეტილების გასაჩივრება	36
3. სხდომის დანიშვნისა და მესამე პირების ჩაბმის შესახებ სასამართლოს განჩინების ცესკოს ვებგვერდზე განთავსება	36

1. განცხადებები/საჩივრები საარჩევნო კანონმდებლობის დარღვევაზე

1.1 ცესკოში განცხადების/საჩივრის შეტანა

საარჩევნო კოდექსით განსაზღვრულ სუბიექტებს უფლება აქვთ, განცხადებით/საჩივრით მიმართონ ცესკოს:

- ▶ საქართველოს საარჩევნო კანონმდებლობის დარღვევებზე;
- ▶ საოლქო საარჩევნო კომისიის/კომისიის ხელმძღვანელი პირების მიერ მიღებული გადაწყვეტილებების თაობაზე.

შენიშვნა: საოლქო საარჩევნო კომისიის/საოლქო საარჩევნო კომისიის ხელმძღვანელი პირების გადაწყვეტილებები (მათ შორის საოლქო საარჩევნო კომისიის კენჭისყრის/არჩევნების შედეგების შემაჯამებელი ოქმის შედგენა) შეიძლება გასაჩივრდეს ცესკოში მათი მიღებიდან 2 კალენდარული დღის ვადაში.

ცესკოში საჩივრის შეტანა დასაშვებია როგორც მატერიალური, ისე ელექტრონული ფორმით. საჩივრის ელექტრონული ფორმით შეტანის წესი განსაზღვრულია ცესკოს განკარგულებით⁶.

ყურადღება!

უფლებამოსილი პირები თავად წყვეტენ გამოიყენებენ თუ არა საარჩევნო კომისიაში საჩივრის ელექტრონული ფორმით შეტანის სისტემას.

ცესკოში საჩივრის ელექტრონული ფორმით შეტანა დასაშვებია სამუშაო დღის 18 საათამდე.

1.2 ცესკოში განცხადების/საჩივრის რეგისტრაცია

ცესკოში შეტანილ განცხადებას/საჩივარს რეგისტრაციაში ატარებს ცესკოს მდივნის აპარატი (დეპარტამენტი).

განცხადება/საჩივარი ცესკოში მიღებისას დაუყოვნებლივ ტარდება სარეგისტრაციო ჟურნალში, სადაც უწყვეტი თანმიმდევრობით აღირიცხება მათი შემოსვლის რიგის მიხედვით. თითოეულ დოკუმენტს მიენიჭება შესაბამისი ნომერი, ჟურნალში შეიტანება მისი შემოსვლის თარიღი, დრო და ფურცლების რაოდენობა. სარეგისტრაციო ჟურნალში აღინიშნება განმცხადებლის/მომჩივნის ვინაობა და საკონტაქტო ტელეფონი. ჟურნალში სათანადოდ რეგისტრაციის შემდეგ განმცხადებელს/მომჩივანს გადაეცემა წერილობითი ცნობა/სამახსოვრო ბარათი, რომელშიც მიეთითება:

6 საქართველოს ცენტრალური საარჩევნო კომისიის 2021 წლის 29 ივლისის №94/2021 განკარგულება.

- ▶ განცხადების/საჩივრის მიღების თარიღი და ზუსტი დრო;
- ▶ სარეგისტრაციო ჟურნალში მისთვის მინიჭებული ნომერი.

აღნიშნულ ცნობას განცხადების/საჩივრის მიმღები ცესკოს თანამშრომელი ადასტურებს ხელმოწერით.

ყურადღება!

მხარეები ვალდებული არიან, განცხადებაში/საჩივარში, გარდა კანონმდებლობით დადგენილი მოთხოვნებისა, გარკვევით მიუთითონ განცხადების/საჩივრის ავტორის საკონტაქტო (საცხ. ადგილისა და მობილურის) ტელეფონის ნომრები, ასევე დამატებით მითითებული უნდა იქნეს განცხადების/საჩივრის ავტორის ფაქსისა და ელექტრონული ფოსტის მისამართი (ასეთის არსებობის შემთხვევაში).

1.3 რეაგირება განცხადებაზე/საჩივარზე

ცესკოში წარდგენილი განცხადება/საჩივარი არ განიხილება, თუ:

- ▶ განცხადება/საჩივარი შედგენილია არაუფლებამოსილი პირის მიერ;
- ▶ განცხადება/საჩივარი ეხება საუბნო საარჩევნო კომისიის გადაწყვეტილების გასაჩივრების გამო საოლქო საარჩევნო კომისიის მიერ მიღებულ გადაწყვეტილებას;
- ▶ განცხადება/საჩივარი წარდგენილია კანონით მოთხოვნილი ვადებისა და წესის დარღვევით;

რის თაობაზეც ცესკო გამოსცემს განკარგულებას განცხადების/საჩივრის განუხილველად დატოვების შესახებ.

ყურადღება!

ცესკოში არ ხდება წარდგენილი განცხადებისათვის/საჩივრისათვის ხარვეზის დადგენა. შესაბამისი საფუძვლების არსებობისას განცხადება/საჩივარი ხარვეზის დაუდგენლად რჩება განუხილველი.

1.4 მხარეების დაბარება განცხადების/საჩივრის განხილვაზე

განცხადების/საჩივრის განხილვისათვის მხარეები შეიძლება დაბარებულ იქნენ როგორც წერილობით, ისე ტელეფონით (მათ შორის, მობილური ტელეფონით; მოკლე ტექსტური შეტყობინებით), ელექტრონული ფოსტით, ფაქსით ან სხვა ტექნიკური საშუალებებით. ცესკო ვალდებულია, მხარეს საქმის განხილვის დრო და ადგილი შეატყობინოს საქმის განხილვის დაწყებამდე არა უგვიანეს 3 საათისა.

თუ საჩივრის ავტორია:

- ▶ საარჩევნო კომისიაში რეგისტრირებული დამკვირვებელი ორგანიზაცია ან მისი წარმომადგენელი, საჩივრის განხილვის დროისა და ადგილის შესახებ ეცნობება ამ ორგანიზაციის საარჩევნო კომისიაში რეგისტრირებულ შესაბამის დამკვირვებელს ან ამ ორგანიზაციას;

- ▶ საარჩევნო სუბიექტი ან მისი დანიშნული წარმომადგენელი, საჩივრის განხილვის დროისა და ადგილის შესახებ ცნობებამ სუბიექტის მიერ დანიშნულ წარმომადგენელს;
- ▶ საარჩევნო კომისიის წევრი, საჩივრის განხილვის შესახებ პირადად მას უნდა ეცნობოს.

ტექნიკური საშუალებებით მხარის დაბარება დასტურდება:

- ▶ მის მიერ მითითებულ საკონტაქტო ტელეფონის ნომერზე დაკავშირებით;
- ▶ ელექტრონული ფოსტის, ფაქსის ან მოკლე ტექსტური შეტყობინების შემთხვევაში – შესაბამისი ტექნიკური საშუალებით მოწოდებული დადასტურებით.

შენიშვნა: მხარე ასევე დაბარებულად ჩაითვლება, თუ შეუძლებელია მასთან საჩივარში მითითებული ტექნიკური საშუალებებით დაკავშირება (მობილური ტელეფონის, ფაქსის, კომპიუტერის გამორთულ მდგომარეობაში ყოფნის გამო და სხვ.).

ტექნიკური საშუალებებით მხარის დაბარებისას დგება აქტი, რომელიც უნდა დაერთოს კომისიის სხდომაზე წარმოდგენილ საჩივარს. **(იხ. დანართი 6)**

ცესკოში აქტს ადგენს ცესკოს იურიდიული დეპარტამენტის თანამშრომელი და მას ხელს აწერენ აქტის შემდგენი პირი და შესაბამისი განყოფილების უფროსი.

მხარის გამოუცხადებლობა არ ქმნის საჩივრის განხილვის გადადების საფუძველს.

1.5 ცესკოში განცხადების/საჩივრის განხილვა

საჩივრის განხილვის შესახებ გადაწყვეტილება მიიღება მხარეთა მიერ წარმოდგენილი მტკიცებულებებისა და ცესკოს მიერ საკუთარი ინიციატივით მოპოვებული მასალების სათანადო გამოკვლევისა და შესწავლის შემდეგ.

მხარეს უფლება აქვს, საქართველოს საარჩევნო კანონმდებლობით დადგენილი წესით, მიიღოს მონაწილეობა საჩივრის განხილვაში.

მხარეს უფლება აქვს, საარჩევნო კომისიასთან აწარმოოს ურთიერთობა:

- ▶ წარმომადგენლის მეშვეობით;
- ▶ ისარგებლოს ადვოკატის დახმარებით.

ყურადღება!

საჩივრის განხილვისას საარჩევნო კომისიაში მხარის წარმომადგენელი არ შეიძლება იყოს პირი, რომელიც არჩევნების დანიშნიდან იყო/არის საარჩევნო სუბიექტი, გარდა პოლიტიკური პარტიის ხელმძღვანელობაზე/წარმომადგენლობაზე უფლებამოსილი პირისა.

წარმომადგენელი ვალდებულია, საარჩევნო კომისიაში წარადგინოს კანონით დადგენილი წესით დამოწმებული წარმომადგენლობის დამადასტურებელი საბუთი:

-
- ▶ მოქალაქეების წარმომადგენლობა დასტურდება მათ მიერ გაცემული წარმომადგენლობის დამადასტურებელი დოკუმენტით;
 - ▶ ამომრჩეველთა საინიციატივო ჯგუფის წარმომადგენლობა დასტურდება წარმომადგენლობის დამადასტურებელი შესაბამისი დოკუმენტით;
 - ▶ ორგანიზაციების (პარტია, დამკვირვებელი ორგანიზაცია) წარმომადგენლობა დასტურდება მათი ხელმძღვანელი პირის მიერ გაცემული მინდობილობით;
 - ▶ ადვოკატის წარმომადგენლობა დასტურდება მარწმუნებლის მიერ დადგენილი წესით მასზე გაცემული დოკუმენტით (მინდობილობით/ორდერით).

ყურადღება!

თუ წარმომადგენელი არ წარადგენს შესაბამისი წესით დამოწმებულ წარმომადგენლობის დამადასტურებელ საბუთს, მას არ მიეცემა განცხადების/საჩივრის განხილვაში მონაწილეობის უფლება და გადაწყვეტილება მიიღება მისი პოზიციის გაუთვალისწინებლად.

გასაჩივრების უფლების მექონე პარტიის/დამკვირვებელი ორგანიზაციის მინდობილ პირს, რომელიც რეგისტრირებულია მინდობილ პირთა ელექტრონულ რეესტრში, წარმომადგენლობის დამადასტურებელი დოკუმენტაციის წარდგენა არ მოეთხოვება.

ცესკო საოლქო საარჩევნო კომისიის/კომისიის ხელმძღვანელი პირების გადაწყვეტილებების გამო შეტანილ საჩივარს იხილავს 2 კალენდარული დღის ვადაში.

წარდგენილი განცხადება/საჩივარი ცესკოს მიერ არ განიხილება 1.3 პუნქტში აღნიშნულ შემთხვევებში.

2. ცესკოს გადაწყვეტილების გასაჩივრება

ცესკოს გადაწყვეტილებები, ასევე არჩევნების შედეგების შემოწამებული ოქმი, საარჩევნო კოდექსის 78-ე მუხლით განსაზღვრული პირების მიერ, შეიძლება გასაჩივრდეს თბილისის საქალაქო სასამართლოში კომისიის მიერ მისი მიღებიდან 2 კალენდარული დღის ვადაში.

3. სხდომის დანიშვნისა და მესამე პირების ჩაბმის შესახებ სასამართლოს განჩინების ცესკოს ვებგვერდზე განთავსება

სასამართლოები საარჩევნო დავებზე საერთო სასამართლოებში წარდგენილი სარჩელების/საჩივრების შესახებ ინფორმაციას დაუყოვნებლივ აწვდიან ცესკოს. ამასთანავე, შესაბამისი სასამართლო ცესკოს უგზავნის განსახილველ საქმესთან დაკავშირებულ განჩინებას სხდომის დანიშვნისა და მესამე პირების ჩაბმის შესახებ. ამ განჩინებას ცესკოს იურიდიული დეპარტამენტი მიღებისთანავე, დაუყოვნებლივ განათავსებს ცესკოს ვებგვერდზე, თვალსაჩინოდ, შესაბამის ბანერზე: „სასამართლოს განჩინება სხდომის დანიშვნისა და მესამე პირების ჩაბმის შესახებ“. აღნიშნული განჩინება ცესკოს ვებგვერდზე გამოქვეყნებიდან 3 საათის გასვლისთანავე მესამე პირებისათვის ჩაბარებულად ჩაითვლება, ხოლო ისინი სასამართლო პროცესზე დაბარებულად ჩაითვლებიან.

- ა) განცხადება/საჩივრის საარჩევნო უბანში წარდგენის შემთხვევაში მიეთითება საარჩევნო უბნისა და ოლქის დასახელება და ნომერი
- ბ) განცხადება/საჩივრის საარჩევნო ოლქში წარდგენის შემთხვევაში მიეთითება საარჩევნო ოლქის დასახელება და ნომერი

გ ა ნ ც ხ ა დ ე ბ ა / ს ა ჩ ი ვ ა რ ი
(საჭირო გახაზეთ)

განმცხადებელი/მომჩივანი -----

სახელი, გვარი, მისამართი რეგისტრაციის ადგილის მიხედვით და დამნიშნავი საარჩევნო სუბიექტის /დამკვირვებელი ორგანიზაციის სახელწოდება

საკონტაქტო ტელეფონის ნომერი, ფაქსი, ელ.ფოსტის მისამართი (ასეთის არსებობის შემთხვევაში)

დარღვევა: კენჭისყრის პროცედურა ☐

დარღვევის ჩადენის დრო -----

საათი, წუთი

ხმის დათვლა/კენჭისყრის შედეგების

შეჯამების პროცედურა ☐

№ "___" "___" საარჩევნო უბანი

დარღვევის არსი : -----

მოწმე (არსებობის შემთხვევაში) -----

სახელი, გვარი, მისამართი რეგისტრაციის ადგილის მიხედვით

დამრღვევის დადგენის შემთხვევაში - მისი ის მონაცემები, რომელთა დადგენაც შესაძლებელი გახდა

დამრღვევის ახსნა-განმარტება (ასეთის არსებობის შემთხვევაში) -----

(სხვა დამატებითი ინფორმაცია) -----

ყოველივე ზემოაღნიშნულიდან გამომდინარე, გთხოვთ, -----

განცხადება/საჩივრის განხილვისას პოზიციის დასაბუთებისათვის საჭირო კონიგრული დრო - ---- წუთი

"___" "___" 20___ წელი

განცხადების/საჩივრის -----

(შეღვენის დრო (საათი, წუთი))

განმცხადებელი/მომჩივანი:

ხელმოწერა

საარჩევნო კომისიაში წარდგენილი განცხადების/საჩივრის რეკვიზიტები

განცხადებაში/საჩივარში აღინიშნება:

- ✓ განცხადების/საჩივრის შედგენის თარიღი და დრო*;
- ✓ განმცხადებლის/მომჩივნის სახელი, გვარი და რეგისტრაციის ადგილი*;
- ✓ საარჩევნო უბნის ნომერი*;
- ✓ მოწმის არსებობის შემთხვევაში – მისი სახელი, გვარი და რეგისტრაციის ადგილი*;
- ✓ დარღვევის არსი და მისი ჩადენის დრო**;
- ✓ დამრღვევის დადგენის შემთხვევაში – მისი ის მონაცემები, რომელთა დადგენაც შესაძლებელი გახდა**;
- ✓ დამრღვევის ახსნა-განმარტება (ასეთის არსებობის შემთხვევაში)**;
- ✓ განმცხადებლის/მომჩივნის საკონტაქტო ტელეფონის (საცხოვრებელი ადგილის ან/და მობილურის) ნომერი***;
- ✓ ასევე განმცხადებლის/მომჩივნის ფაქსი და ელექტრონული ფოსტის მისამართი (მათი არსებობის შემთხვევაში)***;
- ✓ სხვა დამატებითი ინფორმაცია.

* აღნიშნული რეკვიზიტების მიუთითებლობა არაზუსტად ან არასრულყოფილად წარმოადგენს განცხადებაზე/საჩივარზე ხარვეზის დადგენის საფუძველს, ხოლო ხარვეზის გამოუსწორებლობის შემთხვევაში, მისი განუხილველად დატოვების საფუძველს

** აღნიშნული რეკვიზიტების მიუთითებლობა წარმოადგენს ხარვეზის დადგენის გარეშე განცხადების/საჩივრის განუხილველად დატოვების საფუძველს

*** აღნიშნული რეკვიზიტების მიუთითებლობა არაზუსტად ან არასრულყოფილად არ შეიძლება გახდეს განცხადების/საჩივრის ხარვეზის დადგენის და განუხილველად დატოვების საფუძველი, მაგრამ შეიძლება გახდეს მხარის საჩივრის განხილვაზე დაბარების შეუძლებლობის საფუძველი

დანართი 3

კომისია

№ “.....” საარჩევნო ოლქი
№ “.....” საუბნო საარჩევნო

ცნობა

განცხადების/საჩივრის რეგისტრაციაში გატარების შესახებ

განცხადების/საჩივრის მიღების თარიღი:

განცხადების/საჩივრის მიღების დრო:

განცხადების/საჩივრის სარეგისტრაციო ნომერი:

კომისიის მდივანი:

.....
/ ხელმოწერა /

დანართი 4

კომისია

№ “.....” საოლქო საარჩევნო

ცნობა/სამახსოვრო ბარათი

განცხადების/საჩივრის რეგისტრაციაში გატარების შესახებ

განცხადების/საჩივრის მიღების თარიღი:

განცხადების/საჩივრის მიღების დრო:

განცხადების/საჩივრის სარეგისტრაციო ნომერი:

კომისიის მდივანი/უფლებამოსილი პირი:
/ ხელმოწერა /

საუბნო საარჩევნო კომისიის კენჭისყრის შედეგების შემაჯამებელი ოქმის გასაჩივრება შესაძლებელია, თუ ოქმში აღნიშნული არ არის ან არაზუსტია:

- ✓ საარჩევნო ოლქის ნომერი და დასახელება, საარჩევნო უბნის ნომერი;
- ✓ გამონაკლის შემთხვევაში შექმნილი იმ საარჩევნო უბნის ნომერი (ასეთის არსებობის შემთხვევაში), რომელიც მიმაგრებულია ძირითად საარჩევნო უბანზე;
- ✓ არჩევნების/რეფერენდუმის დასახელება, საარჩევნო სისტემა (პროპორციული, მაჟორიტარული);
- ✓ კენჭისყრის თარიღი (თუ ეს არის განმეორებითი კენჭისყრა ან არჩევნების მეორე ტური, ესეც უნდა აღინიშნოს);
- ✓ საუბნო საარჩევნო კომისიის ბეჭდისა და ამომრჩეველთა რეგისტრატორების ბეჭდების ნომრები;
- ✓ ერთიან სიაში ამომრჩეველთა რაოდენობა;
- ✓ სპეციალურ სიაში ამომრჩეველთა რაოდენობა;
- ✓ არჩევნებში მონაწილე ამომრჩეველთა ხელმოწერების რაოდენობა ამომრჩეველთა სიებში 12 საათსა და 17 საათზე;
- ✓ არჩევნებში მონაწილე ამომრჩეველთა საერთო რაოდენობა (ამომრჩეველთა სიებში ხელმოწერების მიხედვით);
- ✓ მიღებულ საარჩევნო ბიულეტენთა რაოდენობა;
- ✓ ბათილად მიჩნეულ საარჩევნო ბიულეტენთა რაოდენობა;
- ✓ საარჩევნო სუბიექტების დასახელება, საარჩევნო სუბიექტებისათვის მიცემულ ხმათა რაოდენობა;

მხარის ტექნიკური საშუალებებით დაბარების

აქტი

ქ. -----

„----“ „-----“ 20-- წ

აქტის შემდგენი -----

(სახელი, გვარი, თანამდებობა)

შევადგინე ეს აქტი მასზედ, რომ -----

(დასაბარებელი მხარის ვინაობა, იმ ტექნიკური საშუალების დასახელება და ნომერი, რომლიდანაც და
რომელზეც მოხდა მხარესთან დაკავშირება და შედეგი)

(საჩივრის განხილვის დრო და ადგილი)

(საჩივრის დასახელება, რომლის გამოც ხდება დაბარება)

გამოუცხადებლობის შემთხვევაში მხარეს განემარტა „საქართველოს საარჩევნო კოდექსი“
საქართველოს ორგანული კანონის 77-ე მუხლის 25-ე და 31-ე პუნქტების შინაარსი
ყოველივე ზემოაღნიშნულზე შედგა ეს აქტი, რომლის სისწორესაც ხელმოწერით
ვადასტურებთ:

(აქტის შემდგენლის ხელმოწერა)

(საოლქო საარჩევნო კომისიის თავმჯდომარის/ცესკოს განყოფილების უფროსის ხელმოწერა)

აქტის შედგენის დრო -----

ადმინისტრაციული სამართალდარღვევის ოქმი ¹

1. _____ 2. _____
შედგენის თარიღი (რიცხვი, თვე, წელი) შედგენის ადგილი

3. _____
ოქმის შემდგენლის თანამდებობა, სახელი, გვარი/ან ორგანო

4. სამართალდამრღვევის ა) _____ ბ) _____
სახელი, გვარი დაბადების თარიღი

გ) _____ დ) _____
მისამართი პირად. დამ. დოკ. სერია და ¹ ან პირადი ¹

_____ ოურიდიული პირის შემთხვევაში – დასახელება, ოურიდიული მისამართი, ხელმოძღვანელის მონაცემები

5. _____
სამართალდარღვევის ჩადენის ადგილი, დრო, არსი

რაც გათვალისწინებულია საქართველოს ორგანული კანონის - „საქართველოს საარჩევნო კოდექსის“

----- მუხლით

ან „საქართველოს ადმინისტრაციულ სამართალდარღვევათა კოდექსის“ ----- მუხლით.

6. _____
მოწმის (მისი არსებობის შემთხვევაში) სახელი, გვარი და მისამართი

7. _____
დაზარალებულის (მისი არსებობის შემთხვევაში) სახელი, გვარი და მისამართი

8. ოქმს თან ერთვის: _____

მოწმე (მისი არსებობის შემთხვევაში):

_____ ხელმოწერა

დაზარალებული (მისი არსებობის შემთხვევაში):

_____ ხელმოწერა

_____ ოქმის შემდგენლის ხელმოწერა

სამართალდამრღვევი: _____
ხელმოწერა, ხელმოწერაზე ან ოქმის ჩაბარებაზე უარის აღნიშვნა

